




Spot Tude Gat Wok

Spot em i gutpela samting bilong kantri.

Long spot ol boi na man (na meri tu) i laik traim bun bilong ol. Em i pasin bilong yangpela pipel, na i gut. Na long spot tu ol i ken kisim sampela gutpela save tru bilong laip bilong ol. Namba wan em i pasin bilong wok olsem tim-long wok gut wantaim na daunim laik bilong yu. Narapela bikpela skul em hia: No ken kros na pait, taim yu lusim pilai. Yes, traim win. Tasol long olgeta pilai, wampela tim i mas lus. Sampela taim em i yu. Long laip tu em i wankain. Maski, i orait. Neks taim ating bai yu win. Yu no ken win olgeta taim.

Veronica Williams Foto.

Mipela Wantok i anamas long tok: mipela i pepa bilong ol Papua Niugini stret. Long niuspepa tude mipela i soim em i tru. Yu lukim pes 4 na 5 na 6 na 9 na 11 na 15 na 17 bai yu painim ol rida yet i bin pulimapim. Em nau! Kas bilong ol! Yu tu i ken mekim. Salim wampela stori long tok Pisin na sampela poto i kam. Tok Inglis i tambu. Em tasol Tenkyu.





Poto daunbilo i soim wanpela bikpela kopi faktori long PNG. Ol i tanim tanim kopi bilong mekim drai bipo ol i sakim. Dispelá poto i kam long Invesmen Koporesen, bilong soim wanem kain kampani ol i save baim sea insait long en.

Poto long lephan i soim Mista Karukuru Sere, wanpela opisa bilong Nesénel Sivil Difens Sevis bilong PNG, em i dipatmen i sambai long helpim ol ptpel taim ol i lus long solwara o guria o samkain birua nogut i painim plantt pipel wantaim.

Mista Sere ya i sambai long wanpela nupela kain balus ol i bin wokim bilong flai longpela taim nabaut long solwara na antap long bus sapos ol i lukautim man o samting i lus. Em i wanpela kain Nomad balus ol i save wokim long Australia.

Poto i kam long Australian Information Service. John McKinnon i kisim.

wantok
Newspaper Publishing of Papua New Guinea street

**National weekly in
 Melanesian Pidgin.**

Editorial Officers:
 P.O. Box 1982
 Boroko

Phone: 25.2214
 25.2552
 Telex: NE 22213


Branch Offices:
 Wewak
 Phone: 86.2479

Wabag
 P.O. Box 111
 Phone: 57.1018

Advertising:
 In P.N.G.
 Ms. Penny Donald
 Phone: 25.2214

In Australia:
 Peter Halse Associates
 King York House
 32 York Street
 Sydney (2000)
 Phone: 29.7527
 Telex: 221.409

Subscription Rate:
 Annual: K8.00.





OL MERI LAIKIM MERI LONG WANEM KAIN WOK?????

Long olgeta kantri tude, na long Papua Niugini tu, ol sampela meri i strong long autim dispela tok: mipela meri inap long ol man. Mipela i les long stap namba tu samting. Mipela i namba wan - wantaim ol man, wankain long ol man.

Tasol dispela lain meri i save pait long haisapim nem na namba bilong ol meri, ol tu i no save laikim ol meri i holim olgeta kain wok. Nogat. Long wanpela tisa koles bilong ol meri tasol, ol i bin askim ol sampela kwesten mipela i putim aninit ya. Sapos yu meri, yu ting wanem long ol dispela askim?

1. Yu laikim dokta man o dokta meri i lukautim yu taim yu karim pikinini?
2. Yu laik wok aninit long bosman o bosmeri?
3. Yu laikim pris o bisop i man o meri?
4. Yu laikim tisa i man o meri?
5. Yu laikim pilot bilong balus yu flai long en i man o meri?
6. Yu laikim man o meri i draivim PMV bilong yu?
7. Yu laikim anaunsa long redio i man o meri?
8. Yu laikim man o meri i kukim kaikai bilong yu?
9. Yu ting em i wok bilong man o meri long karim hevi samting? Olsem bilum kaikai?
10. Yu laikim meri o man i lukautim bisnis bilong yu?
11. Yu laikim praim minista i man o meri?
12. Yu laikim jas o mejistret long kot i man o meri?
13. Yu laikim hetmasta bilong skul i man o meri?
14. Yu laikim seketeri o kuskus i man o meri?
15. Yu laikim man o meri i bilasim haus o ples?

Ating long sampela wok yu laikim man na long sampela yu laikim meri. Em i no min man i smat moa na i klewa moa olsem meri. Nogat. Ol save-man i bin painimaut ol man na ol meri i gat wankain het bilong kisim save; tupela i skel tru.

Tasol bodi bilong man na bilong meri i narakain. Na pasin bilong man na meri i narakain. Olsem na man i save pas gut long sampela wok; na meri i pas mobeta long arapela wok. Ating i longlong long resis long dispela samting.

Wanpela man i bin tok piksa olsem: Man na meri i olsem tupela sap bilong sisis. Yu no ken tok wanpela sap tasol i bikpela samting. Sapos yu tekewe wanpela sap, bai sisis i no sisis moa, i no inap wok. Tupela sap i skel, tupela i gat wok, tupela i mas stap. Wanpela sap tasol i no inap mekim wok bilong em. Tupela wantaim i mas stap.

Olsem tasol, man na meri, tupela wantaim i mas stap. Wanpela i no win. Tupela wantaim i win.



PE BILONG 3000 AUSAIT MAN I SENIS

Praim Minista Michael Somare i bin givim tok save long ol 3000 ausait man i holim wok long gavman olsem: stat long bigin bilong 1978 bai pe bilong ol i senis. Long dispela taim gavman i save wokim nupela kontrak wantaim ol dispela lain wokman.

Klostu 2000 bilong ol i bilong Australia na gavman bai katim pe bilong ol inap long 50% (50 pesen - em i olsem wan hap tru).

Inap nau i gat moa olsem 100 kain skel pe ol i save kisim. Ol Australia i stap antap tru long dispela lata na bihain ol Englan na ol Nu Silan na bihain tru ol Filipino. Long 1979 bai olgeta i kisim wankain pe. Olsem long dispela nupela we, ol Australia bai lusim bikpela mani moa na ol 700 Filipino i wok long gavman bai kisim moa pe tru.

Tupela yia bipo ol Englan i traim putim hevi long gavman long givim pe bilong ol inap long pe bilong ol Australia, tasol nogat. Bik-kot i no laik.

Gavman i gat kain kain we yet long grisim ol sampela Australia em i laikim tumas ol i mas stap. Em i givim presen long taim ol i pinisim kontrak. Dispela presen em inap long 24% bilong olgeta pe ol i bin kisim insait long 3 yia kontrak. Em i min long olgeta K1,000 ol i bin kisim long pe, bai ol i kisim presen long K250. Sapos ol i mekim kontrak gen, bai long dispela namba tu kontrak ol i kisim 32% bilong olgeta pe bilong ol, i olsem presen long taim ol i pinisim kontrak. Em i min K320 long olgeta K1,000 pe ol i bin kisim insait long 3-pela yia.

Gavman i givim ol sampela nupela gutpela helpim long haus na liv na skul fi

na kain samting olsem.

Pastaim ol Australia i harim dispela ol tok na ol i kirap nogut tru, tasol bihain ol i kaunim gut ol samting na ol i painimaut ol i lusim liklik nating tru. Pablik Sevis Komisnin i bin soim ol olsem: I tru as pe i go daun; tasol planti arapela samting i mekim ol dispela pe i kam bek long poket bilong ol.

Wanpela eksampel i olsem: Sapos nau wanpela maritman i gat tupela pikinini na i wok olsem klas 6 man, em i save kisim K11,378 o moa long wan yia. Na antap long dispela em i kisim K2,300 olsem spesel presen bikos em i wok longwe long as ples bilong em. Olsem em i save

kisim K13,678 o moa long wan yia.

Long nupela we, em i stat long kisim K8,800 long yia na em i kisim narapela K1,935 spesel pe. Orait tupela wantaim i mekim: K10,375. Tasol bihain em i pinis, em bai kisim 32% presen long olgeta pe em i bin kisim insait long 3-pela yia; na tu takis bilong mani bilong em i daun moa. Olsem taim yu bungim ol dispela samting, bai yu painim dispela nupela we i tekewe 1% tasol long olpela pe bilong em. Em i min long olgeta wan kina pe em i luso, wam toea tasol. Em i samting nating. Na i luk olsem nau ol Australia i no bel kaskas tumas.

WARI LONG MAK BILONG IRIAN JAYA

Long wik i go pinis gavman bilong PNG i bin salim 19 spesel plisman na 120 soldia bilong 2 PIR long Moem Bareks long Wewak i go long Wes Sepik Provins klostu long ples Bewani long painimaut sapos ol fridom paitman bilong Irian Jaya i hait i stap na i haitim 7-pela opisa bilong gavman bilong Indonesia, em ol i holimpasim na i kalabusim.

Indonesia i kros long dispela samting na i bin salim ami bilong em long go painim ol dispela fridom paitman, na ol i ting ol i bin ranawe i kam long hap bilong PNG. Olsem na gavman bilong yumi i bin salim dispela grup plisman na soldia long rausim ol sapos ol i stap long graun bilong mipela.

Inap nau ol plisman na soldia bilong mipela i no bin painim sampela dispela fridom paitman. Sapos ol i painim, bai Indonesia i hepi na i tok amamas long mipela. Na sapos mipela i no painim, mipela inap tok ol i no stap long hap bilong mipela.

Ol fridom paitman i kalabusim ol dispela 7-pela opisa inap gavman bilong Indonesia i orait long sindaun kibung wantaim ol na tok long independens bilong Irian Jaya. Dispela ol i ken mekim long Yunaitet Nesens.



ROT PASIM MIPELA

Dia Edita - Hia mipela ol pipel bilong Kombio Sensis Divisen long Is Sepik i gat bikpela wari moa na mipela i laik putim aut i go long Wantok na bai ol Dreikirik Kaunsil, Provincial na Nesenel Gavman i ken lukim na tingting long en.

Mipela i gat wari long Kombio rot, em i kirap long ples Yauering i go long ples Tong long Katolik Misin Yasip.

Gavman i mas traime na lukluk gut pastaim long wanem ol pipel i gat wari na i no go het gut yet long ol rot na bisnis, helt, na ol arapela samting. Traime na helpim ol man i stap long-we long taun na i no kamap gut pastaim long yu helpim ol man i stap klostu long taun na i gat developmen o gutpela sindaun pinis. Plis helpim mipela olsem bai mipela i gen kamapim gutpela sindaun olsem ol arapela hap tu.

Mipela i laikim Kaunsil, provinsal na Nesenel gavman i lukluk na helpim mipela long wokim Kombio rot, hariap long wanem?

1. Mipela i bin putim takis pinis hap mani long viles selp help.
2. I gat nau bikpela Helt Senta i stap long Yasip Misin Stesin.
3. Kombio i gat nau planti tausen stik kopi o kopi tri i stap.

Na tu mipela i laik baim na wokim banis kau, banis pik, na ranim tret stua na PMV ka na ol arapela samting moa. Tasol mipela i no gat gutpela rot long trenspotim o karim ol samting olsem i go i kam.

Na tu mipela yet wantaim ol sista insait long Helt Senta long Yasip i save painim hat tru sapos wanpela pikinini i gat bikpela sik, o mama i laik kisim bebi na ol sista i no inap long stretim na ol i mas kisim ol i go long bikpela Helt Senta long Maprik o i go long Boram. Na sapos rot i nogut i gat ren na rot i wel na i bruk bruk nambaut na i stapim

ka i no inap bringim ol i go hariap long bikpela haus sik. Sampela taim mipela i save lukim ol tarangu i stap na i dai nating long ples.

Em ol dispela kain samting bilong bagarapim populesen na tu sotim ol pipel na bisnis. Em as trabel: Rot. Nogut gutpela rot. Plis lukim na helpim long wokim Kombio Rot.

Bernard W. Waingrep,
Yasip/Is Sepik

KROSIM MEMBA BILONG PALAMEN

Dia Edita - Mipela ol manmeri bilong Okapa Sab Provins, i no amamas long memba, Mista Billy Hail (Okapa Open). Bilong wanem mipela i no save lukim em liklik. Yes, mipela lukim em long taim mipela votim em. Na em tasol. Nau long dispela 5-pela mun mipela i no save long em i stap long we.

Olsem na mipela ol manmeri bilong Okapa Sab Provins i wari nogut tru long provins bilong mipela. Bilong wanem mipela 15,000 manmeri i stap insait long Okapa. Tasol i no gat wanpela bikpela samting i save kamap long helpim mipela.

Memba bilong yumi, Mista Billy Hai, em slip tumas. Taim em i go long palamen long taim bilong toktok na askim ol ministara bilong ol dipatmen, em i no save toktok liklik. Em i save pret tumas long ol ministara na long ai bilong ol memba tu.

Olsem na mipela i krosim na mipela i toktok long mekim o holim narapela ileksen gen long votim narapela man i go kisim ples bilong em. Olsem na sapos yu, Mista Billy Hai, laik i stap long Haus inap long 5-pela yia. Yu mas pulim boks bilong yu na pait hat long bringim ol wok i kamap long Okapa. Na putim ol gutpela samting long provins bilong yumi.

Maski long harim ol swit toktok bilong ol memba bilong narapela

provins. Traime na mekim sampela samting long helpim yumi ol manmeri bilong Okapa sab provins. Sapos yu, Mista Billy Hai, i gat sampela toktok long mekim, raitim tasol i kam long Wantok Niuspepa.

T.T.K.
Okapa/Isten Hailans

KROSIM INPOMESAN OPISA

Dia Edita - Nem bilong mi: Abraham na wanpela memba bilong katolik sios na sitisen bilong dispela kantri. Nau mi laik autim sampela pilim bilong mi.

Yes namba wan em dispela. I no long taim i go pinis mipela i bin harim sampela toktok em wanpela man nem bilong em John Samar i bin mekim i kamap long Is Sepik Nius long Redio Wewak, i no gutpela.

Dispela man i bin tok kros long Asbisop Leo Arkfeld i no bin orait long wanpela lain man i kam long Goroka long mekim pilai o stori tumbuna, bilong ol long Wirui Stes. Na John Samar i tok kranks long sios tu.

Em yumi memba bilong kain sios. Man hia i tok strong i tok. Em i no laik lukim dispela kain pasin moa i kamap bihain namel long ol sios na gavman.

Yes, John Samar, yu no bin tingim gut na klia long lo bilong mipela sios. Harim, planti yia i kam inap nau na bambai i go moa yet, sios i wok long helpim o givim han long helpim na mekim go het olgeta wok gavman i save wokim long dispela kantri. Oltaim sios i save tingim gut long wanem samting i gutpela na i nogut. Wanem pasin i brukim lo bilong God papa na bilip.

Sapos mipela sios i painim wanpela samting o tok o pilai samting inap bagarapim lo bilong God. Mi i no inap tru long larim i kamap long ples mipela i stap long em.

I no gat wanpela bikman hia long graun inap pusim

sios long bihainim rot we inap brukim lo bilong God papa. Sios i no tok kranks long wok bilong gavman. Tasol sios i no laik long harim dispela kain tok kranks bihain. Na sapos as lo bilong kantri i tok: "PNG Kristen Kantri", orait yumi olgeta pipel, praim ministara na ol ministara na memba bilong provinsal gavman, olgeta bikman yumi mas bihainim lo bilong kristen.

Abraham NamSause,
Maprik/Is Sepik

Salim ol pas
i kam long:

WANTOK
BOX 1982
BOROKO

PLANTI BISNIS

Dia Edita - Mi laik bekim pas bilong Mista Alfred K. Kerenga. Em long Wantok 17-11-77 namba 137, em i go olsem.

Yes wantok yu krosim Harry, na yu tok ating Finschhafen na Makam, yupela kisim mani long buai tasol. Ating em yu abrus liklik, Finschhafen em i taim buai i kamap em tasol ol save salim buai na kisim mani. Na yu tok i no gat sampela bisnis long pulim mani.

Ating, wantok, yu slip long haus kunai na yu raitim dispela pas. Kirap opim ai bilong yu na kandaun long Lae na lukluk insait long Lae siti i gat P.M.V. bilong Finschhafen i stap o nogat? O bisnis bilong sampela wok i stap o nogat? O yu ken kisim sip na i go long Finschhafen na opim ai bilong yu na lukim P.M.V., kopi, kakau, bulmakau, pik, stua, na ol dispela bisnis i stap long Finschhafen.

Hailans, yupela i gat planti bisnis tasol mi i stap long Lae siti na mi lukim long ai bilong mi stret. Hailans i save pulap nating nating long Lae na salim skin bilong yupela na kisim mani. Ating em i no

gutpela, wantok. Yu tir dispela i bisnis na yu to mipela hailans man bilor wokim bisnis.

Mi lap long tok bilor yu, Alfred K. yu mas ting ting gut na raitim to Finschhafen em i gat me bisnis i no olsem yu r salim skin na wokim bisn nogat.

Save bilong man na ha bilong man i wok na bisn i kamap, na pulim man Maski long slip tuma Kirap, opim ai na lukluk gut na toktok. Sapos yu kros, yu i go dringim wari na bel bilong yu i kol. Yu bel hevi orait, rait tasol long Wantok. Mi gat me yet.

Esty Belen,
Finschhafen/Lae

BOKSEN

Dia Edita - Inap yu givi liklik spes long mi lo putim liklik wari bilong i hia long Wantok niuspepa. Yes wari bilong mi i go o sem.

Long Port Moresby i g samting olsem 5-pe boksen sembiensip olgeta O. moa. Planti ol yangpe man bilong dispela kantri PNG yet i kisim save lo pait long ol dispela bokse sempiensip. Taim pait long Martin Beni, o Jol Aba na Brata Toni. Ol dispela klap i save maki man husat long i ken opait bilong ol.

Planti pipel i save kam na lusim bikpela mani lo get long lukim. Tasol lo pait bilong ol, dispela pela klap i laik makim man i win i go pait wa taim arapela boksa lo bilong wanem hap bilo dispela kantri yet.

I nogat tru ol pipel i ka lukim dispela pilai na g im liklik mani long Port Moresby. Papua Amatu Boksing Klap. Papan T tel i save kamap 3-pe taim long tripela de lo nait. Tasol i no gat pipe save kamap long lukim baum get long givim helim long Port Mores Boksing klap, olsem na raitim dispela. Tenkyu.

Boksa, K.W. Joh
Port Moresby

NIUS BILONG OL MERI

WINIM MANI LONG DANIS

OL RIDA I RAITIM

Wanpela poto long raithan i kam long Not Solomons
g Sista Assumpta, em yu ken lukim long poto antap.

Em i stori long pasin bilong ol dispela meri i go na i
kim kain kain danis bilong Solomon Ailan na bilong
Maori bilong Nu Silan na bilong Fiji. . . na olsem ol i
e winim makmak o mani bilong baim olkain samting
ong helpim wok samap bilong ol. Mani ol i save winim
o long baim olkain laplap na tret bilong masin bilong
nap. Ol meri i bilong hap bilong Tinputz.

Wanpela man, William Vatarili, i save stiaim ol dispela
k bilong dispela grup. Na wanpela string ben i gat 7-
la boi i paitim gita i save wokim musik wantaim ol dis-
pela grup danis. Ol i save go long PMV inap Panguna na
is.




**MAN! EM
GUTPELA
KAIKAI!**

BANANA PUDING


Yu mas bungim:

6-pela o 8-pela banana mau
liklik sol
hap kap suga
6-pela spun plaua
1½ kap susu

Yu kukim olsem:

Rausim skin bilong banana, na paitim ol banana
long pok bai ol i malumalu tru. Nau kapsaitim
plaua na suga na sol i go daun na yu tanim gut
wantaim ol banana. Nau putim long sospen na i go
long paia. Taim em i wok long kuk, yu mas tanim
tanim long spun inap olgeta samting i kamap
strong liklik. Nau yu kapsaitim susu i go long sos-
pen tu na tanim gut wantaim. . . na larim i kuk
moa inap long puding i kamap strong. Orait, nau
yu ken larim em i kol.

Dispela kain puding em i gutpela kaikai tu long
bebi bilong yu.



Link take-up lever for perfect stitching.

Automatic bobbin winder.

Stitch length lever and reversing control.

Drop feed for darning and embroidery.

**PREN BILONG YU
INAP OLTAIM**

STORI BILONG MORAL RI-AMAMEN

Planti kain tingting lotu i kamap long namba bilong yumi insait long 40 via i go pinis. Wanpela long ol dispela em long Moral Ri-Amamen.

Na planti manmeri i tingting strong long gutpela we bilong ranim kantri i kisim na bihainim dispela tingting.

Long namba 4 de long mun Jun ol pipel long planti hap long Wel, olsem Jemani, Ingran, Frans, Amerika, Australia, Nu Si-

lan na Papua Niugini i bin mekim bikpela kibung. Ol dispela kibung i makim wan handet yia bilong man i statim Moral Ri-Amamen.

Dispela man em Dokta Frank - Buchman. Mama bilong Buchman i karim em long yia 1878, long wanpela bikpela provins ol kolim Pennsylvania, long Amerika. Em i bin minista long Luteran Sios. Wanpela de bipo bikpela pait i kamap long wol namba tu taim. Buchman, i bin

KUMALAU TAWALI

wokabaut long hap bus long Jemani na kisim dispela hap tingting. Bikpela moral na spiritual muvmen bilong Spirit bilong God i mas kamap long wol.

Long dispela taim ol kantri long Yurop i redi long ol samting bilong pait. Dispela ol i kolim 'Militari Amamen.' Dokta Buchman i bin ting, ansa bilong dispela em long 'Moral na Spiritual Ri-Amamen.'

Sampela as bilong tingting bilong Frank man i olsem:

Man i gat tupela yau, na wanpela maus. Olsem na em i mas harim tok mou na no ken toktok tumas.

Taim man i harim bai Sol i givim tingting long em. Na taim em i bihainim dispela tingting sol i senisim em na nupela pasin i kamap.

Taim yumi bung wanbel wantaim Sol, bai yumi ken

pinisim olkain birua insa long kantri. Man i no g-wok, bai i gat wok. Man hangre bai i gat kaikai. A spirit bilong man i em bai i pulap long tingting save givim pasin amam. tasol.

Nau yumi gat planti be hat na kros. Ol lida i r-wanbel tumas. Tasol yur no save long wanem san ting bai stretim ol.

Frank Buchman i tok o sem: "Yumi laikim sen i kamap. Tasol yumi laikim narapela man i st-pastaim. Wanpela kant laik bai narapela kant senis. Gavman i laik b-oposisen i senis. Man i lai bai meri i senis pastaim Tasol olgeta i wet lor narapela long stat."

Frank Buchman i tol "Sapos yu laik lukim kantri bilong yu o ol enemi birua bilong yu i seni nambawan ples long sta em long yu yet."

'MAN I LAIKIM TRI OL PIPEL.' Olgeta mani kaikai em i gat em i sav tilim gut long ol pipe. Wanpela de wanpela man askim em: "Bilong wanem yu save givim planti samting long ol narapela pipel?"

Frank Buchman i tol bek: "Bikos mi laikim o pipel."

Wanpela taim wanpela sosialis i kamap long en ni i tokim em, em i noga mani. Dispela taim dispel sosialis em i no gat wok. Orait, Buchman i kirap nu i tok: "Mi gat 50 paun. M givim yu 25." Bihair Buchman i tok: "Nau mi tupela wantaim i sosialis."

Em i man bilong mekim ol narapela i amamas na lap. Wanpela taim 12-pela yangpela meri i laik go long danis, tasol i no bin gat man long kisim ol i go. Buchman i kirap na kisim ol 12-pela wantaim i go long danis. Bihain em i tok: "Mi no laik lukim wanpela bilong ol i no amamas."

Wanpela taim em i bir go raun long Australia. Long wanpela de em i bir (i go moa long pes 13)

NAU! Nupela Kodak Colorburst kala kamera.

Nau em i isi tru long kisim kala poto, insait long haus o ausait. wantaim lait i pairap. o lait nating bilong san. Yu holim kamera tasol. na Colorburst kamera bilong yu i givim yu wanpela naispela kala poto insait long sampela minit tasol. I gat spesel film i pas stret long dispela kamera, nem bilong em: Kodak PR10 Instant Print Film.

Kodak Colorburst cameras feature:

- Adjustable focus control with special 'zooming circle', focusing symbols, and distance scale
- Electronic shutter — 1/3000 sec. to 1/20 sec.
- Eyecup on viewfinder
- Flash socket • Tripod socket
- Automatic motor-driven print ejection
- Red low-light signal warns you when to use flash
- Lighten/darken print control • Exposure counter • Neckstrap and monograms • Kodak 3 year warranty.

See your photo dealer for a free demonstration. *Suggested retail price.



New Kodak Instant Cameras and Film.

Kodak (Australasia) Pty. Ltd.

*Kodak, 'Colorburst' and 'Satinlux' are trademarks.



O BILONG OL KALABUSMAN

Misis Nahau Rooney, Minista bilong bosim ol korektiv, i tok dipatmen bilong em i nekim olsem: sapos wanpela man i kalabus inap long tu o tri mun tasol, ol i larim em i stap long smolpela kalabus long ples. Na ol man i mas kalabus longpela taim, ol i save cam long ol korektiv institut. Na ol i ting long kisim narapela kain ples bilong pasim ol nanki na yanpela man tumas; nogut ol i go long korektiv.

Long wok kalabus PNG i bihainim ol lo Yunaitet Nesens i bin mekim bilong stiaim dispela wok. Wanpela samting Yunaitet Nesens i no laikim em hia: ol i no laik bai ol kalabus i mas wok long ples klia tru long ai bilong planti pipel, long wanem dispela i emim ol kalabus tumas.

Tasol ol mejistret bilong viles kot ol inap long kotim kalabusman long ples long nekim kain kain wok bilong helpim komyuniti bilong ol - na ol i no ken kisim pe. Sampela korektiv opisa i tok, em i hatwok long lukautim ol kalabus sapos ol i stap nekim wanpela komyuniti wok ausait long kalabus. Ol inap ranawe, stil long ol gaden abaut, paulim ol meri. Tasol palamen i vot orait long ol i ken mekim komyuniti wok.

NOKIM SIP BILONG MIPELA YET

Mista Julius Chan, Minista bilong Praimeri Industri, i tok olsem, ol provins na nesenel gavan i mas wok gut wantaim long ol samting bilong bot na sip na pis. Mipela i laik wokim ol sip bilong mipela stret long go lukautim pis bilong ol wara i klostu long nambis na long biksolwara tu. PNG i wok nau long kisim dinau long Esia Developmen Beng bilong mekim dispela kain work i go het.

GIVIM SIK LONG BINATANG

Long Nu Ailan Provins ol i gat trabel long wanpela kain binatang i gat tit i sap tumas na i save bagarapim ol kokonas bilong ol pipel long hap bilong Tembin-Ugana. Na ol saveman i bin painim long kantri Samoa na Fiji, i gat wanpela kain sik i save bagarapim ol dispela binatang yet. Olsem nau ol i bin bringim dispela sik i kam insait long Manus na Nu Ailan bilong pinism ol dispela binatang i pinisim lip kokonas.

PRET LONG PROVINSAL GAVMAN

Minista Iambakey Okuk, lida bilong opesisen, i tok long em i laik rausim provinsal gavman na em i laikim 4-pela rijinal gavman i kisim ples bilong en. Em i min yumi katim kantri long 4-pela hap, we ol pipel i wankain: Papua, ol Ailans, ol Hailans, ol nambis Niugini.

Mista Okuk i tok bai nupela palamen ol i laik wokim long Waigani long Moresby, em i ken i stap olsem hau gavman bilong Papua Rijin.

Na em i no klia yet bai ol i putim hetkota bilong Hailans Rijin long wanem taun long Hailans. Na tu long ol ailan em i no save yet bai Manus o Kavieng o Rabaul o Btkka bai as ples bilong gavman. Na long nambis Niugini tu Mista Okuk i no bin stretim tingting yet long em i laikim het taun i stap long Wewak o Madang o Lae.

Mista Okuk i save tok olsem: 20 provins i katim kantri long 20 hap. Tasol 4-pela rijin bai joinim kantri long kamap wan samting.

Tasol narapela taim gen em i tok olsem: Papua Niugini i gat planti laim pipel na tok ples an bipo em i no gat rijinal gavman, olsem na mipela i mas gat wanpela sentral gavman.

WINIM TAKIS MANI LONG BIA NA TABAK

Mista Hereman Tobaining, minista bilong faimans bilong Is Nu Briten provins, i bin tok save olsem: stat long namba wan de bilong Jun Is Nu Briten Provins i gat spesel takis bilong em stret ol i putim antap long olkain strongpela dring na ol sigaret.

Em bai inap long 6 toea long wan wan lita strongpela dring, na 2 toea long wan wan botol bia, na 48 toea long wan wan katon bia. Takis bilong wan wan paket i gat 20 inap 25 sigaret em i 2 toea; na bilong paket i gat 10-pela sigaret, em i 1 toea.

Mista Tobaining i tok, ol i ting long dispela kain takis provins bilong em inap long winim K254,831 olgeta yia long bia, na K129,368 long strongpela dring, na K157,376 long sigaret.

Ol i putim hevi bilong salim dispela takis mani kam long provinsal gavman long wan wan kampani i wokim bia na sampela i salim strongpela dring.



5 toea

Dispela stem i soim wanpela meri bilong Hanuabada viles long Port Moresby.

30 toea

Em i man bilong Asaro klostu long Goroka. Em i raunim het long skin bilong kapul na antap em i putim kangal bilong kain kain kumul.

5 toea

Em i man bilong Maprik na em i putim pes ol i save wokim long kanda na karuka na pangal, na sampela taim ol i save bilasim ol bikpela yam long en. Ol i penim long kain kain graun na kambang. Nabaut long nek em i putim lain retpela na grinpela prut bilas bilong bus.

25 toea

Em i narapela man bilong hap bilong Maprik. Dispela bikpela bilas ol i wokim tu long kanda. Man bilong tambaran tasol i save yusim na i gat kain kain pen bilong graun long em. Man i save holim sampela kain tit pik na kramsel long maus bilong em na long taim bilong pait bipo, em i krungutim long tit bilong em bilong givim moa strong long em.

40 toea

Dispela em i wanpela Simbu. Bilas bilong het bilong em i kain kain kangal bilong ol kalangar na sampela longpela bilong kumul. Samting i hangamap long nek bilong em, ol i wokim long hap kanda na i karamap long gras bilong man na sampela blut bilong sampela tri.

1 toea

Em narapela man bilong Simbu, long hap bilong Kundiawa. Em i putim kain kain kangal bilong kalangar na kumul. Em tu i putim sampela lain grinpela binatang i hangamap klostu long yau bilong em. Insait long hul bilong nus em sampela bun bilong longpela gras bilong muruk, na narapela kramsel i hangamap long nus. Nabaut long nek em i wanpela kina, em nau i givim nem bilong mani bilong yumi.



YUMI AMAMAS LONG COKE



COCA-COLA AND COKE ARE REGISTERED TRADEMARKS WHICH IDENTIFY THE SAME PRODUCT OF THE COCA-COLA COMPANY.

HRME 015 6365

Lo karamapim olgeta man

Wanpela lain sitisen bilong Gaba Gaba viles klostu long Rigo long Sentral Provins i bin mas i kam long hetopis bilong gavman na i givim wanpela pas long han bilong Mista Delba Biri, Minista bilong Jastis.

Dispela grup pipel i kirap nogut bikos tupela bikpela man bilong hap bilong ol i bin kot long wanem ol i bin raitim sek i tekewe samting olsem K3,000 long sekbuk bilong Eregabe Asosiesen bilong ol. Nem bilong tupela man: Sir Sere Pitoi na Mista Tau Boga. Bipo tupela i bikpela man long gavman.

Ol pipel i kros i no laik tupela i mas go long kot. Sampela sain bilong ol i tok olsem: "Mani i no lus - Mani bilong ples". I olsem ol i laik tok: gavman i no ken kotim tupela, em i samting bilong ples na ples yet i ken stretim. Ol i bin tok moa, sampela birua bilong tupela man yet i bin bringim dispela samting long kot, na ol i no laik. Ol i no laik lo i kam insait long asosiesen na wok bilong ol. Na tu nau dispela kot i bagarapim ples bilong ol na bringim ples bilong ol na bringim pait i kam insait.

Tasol Mista Delba Biri i bekim tok olsem: olgeta manmeri i anit long wankain lo. Maski ol i husat; ol i no antap long lo. Dispela tok i bin kamap pinis long kot, nau kot yet i mas glasim na em i no inap long rausim long kot. Ol dispela pipel yet i ken kam insait long kot na autim tok bilong ol bilong helpim tupela.

Kot long Trinde, 7 Jun, i bin painim Mista Boga i bin sainim wanpela sek inap long K2654.76 bilong helpim Mista Pitoi - tasol em i no gat pawa bilong sainim sek. Narapela taim gen em i bin trik sainim narapela sek bilong Gaba Gaba Eregabe Asosiesen inap long K1,000. Nau em i wetkot na i mas tromoim K100 bilong i no mas stap long kalabus. Biahin em i mas kamap long bikpela nesenel kot.

WINIM MANI ISI TUMAS


PAINIM NA KISIM OLPELA TAIA I KAM MIPELA DUNLOP I SAVE BAIM

DUNLOP

LAE: Aircorps Rot - klostu long maket

TULTUL TITAN

Blary rop bruk gen na kago i pundaun.



Sapos yu wanpela man i gat wankain trabel olsem poro ya, orait kisim ARC-TITAN LOAD BINDER wantaim SEN na traim. Em bai holim kago strong nogut tru.



ARC-TITAN Pty. Ltd. P.O. Box 1026, Tel. 42.3988.



Ol poto long dispela pes i kam long ples Bundi, em ol maunten arere long Ramu Riva i stap long Madang Pro-vins. Pater Plutta i bin salim i kam wantaim stori. Em i stori bilong wampela man em i go nau baim meri bilong em. Nem bilong man Joe Kila; nem bilong meri Pauline Pegg.

Stori i stat long lephan kona antap. Lain bilong Joe i redim samting bilong karim i go daun long ples we lain bilong meri i wetim ol i stap.

Long poto long lephan Joe i sanap wantaim Pater Victor na tupela katekis bilong stesin. Joe i pasim bilas bilong ples.

Daunbilo long lephan i soim lain bilong Joe i karim longpela mambu ol i biaslifu long tu kina tu kina i go inap K535.00.

Poto antap i soim meri ol i baim pinis i kamap nau long lain bilong Joe. Meri Pauline Pegg i sanap wantaim tupela mama bilong Joe, em Misis Dōmande na Misis Apa.

Aninit hia em (kirap long lephan) em i mama bilong Joe, Joe Kila yet, meri bilong em Pauline Pegg, na papa bilong Joe.



OLGETA ENGLIKEN BISOP GO PINIS LONG ENGLAN



Poto i soim ol Engliken bisop i wokabaut long wanpela mas lotu. Bisop Rhynold Sanana bilong Dogura i go pas, na Bisop Jeremy Ashton bilong Aipo Rongo Daiosis, na Bisop Bevan Meredith bilong Niugini Ailans, na Bisop George Ambo bilong Popondetta i bihainim em. Long lain i kamap namel, Asbisop David Hand i kamap pas.

Asbisop David Hand wantaim 4-pela arapela Engliker bisop bilong PNG i bin go pinis long Canterbury long Englan long bikpela konprens bilong samting olsem 500 Engliken bisop bilong olgeta hap bilong graun.

Nem bilong dispela konprens em Lambeth Konprens na ol i save mekim olgeta 10-pela yia. Konprens bai stat long 22 Julai na i go inap 13 Ogas. Na moa olsem wan hap bilong olgeta bisop bai no wait-skin long wanem long planti kantri bilong graun Engliken sios i bin bihainim tru aidia bilong makim ol lokal pipel i opisa insait long sios.

Dispela Lambeth Konprens i no bilong wokim lo, tasol em i bilong painimaut ol aidia bilong ol bisop bilong olgeta hap bilong graun long ol samting olsem: wok bilong Engliken sios namel long ol arapela sios; olsem wanem ol

pipel yet i ken kam insait mobeta long ol lotu; em orait long mekim ol meri kamap pris o nogat.

Taim ol Engliken bisop bilong PNG i stap long Englan bai ol i raun lukim ol pren bilong Engliken sios long PNG. Taim ol i stap long Englan, ol het dikon na seketeri bilong daiosis bai lukautim wan wan daiosis. Ol pren long Englan i bin givim moa olsem K2,000 long baim rot bilong tupela lokal bisop bilong PNG, em Bisop Rhynold Sanana bilong Dogura. Daiosis (Noten Provins), na Bisop George Ambo bilong Popondetta (em tu i bilong Noten Provins).

PSA ILEKSEN BILONG 1978

TOK SAVE I GO LONG OL FAINENSEL MEMBA BILONG PSA LONG PAPUA NIUGINI

Mipela i tok save nau long ol fainensel memba bilong Pablik Sevis Asosiesen Papua Niugini, bai mipela i gat jeneral ileksen bilong makim ol dispela memba long wok bilong ol:

- (a) Presiden (yumi mas ilektim wanpela).
- (b) Namba tu presiden (Yumi mas ilektim wanpela.)
- (c) Ol eksekutiv memba (Yumi mas ilektim 15.)

2. Husat inap long vot

Olgeta manmeri i fainensel memba long de namba 7 bilong Julai 1978 ol inap vot long dispela ileksen.

3. Ol de bilong vot

- (a) Ol i pasim lista bilong ol fainensel memba - (Fraide, 7 Julai 1978)
- (b) Ol nominesen i stat - (Fraide, 7 Julai 1978)
- (c) Ol nominesen i pinis - (Mande, 7 Ogas 1978, long belo stret)
- (d) Stat bilong vot long pas o mail - (Fraide, 15 Septemba 1978)
- (e) Pinis bilong vot long pas o mail - (Mande, 16 Oktoba, 1978 long 4 klok)
- (f) Tok save long husat i winim ileksen - (Trinde, 25 Oktoba, 1978, o bipo yet)

4. Ol Nominesen

Man/meri i laik nominet, em i min putim nem bilong em long resis long ileksen, em i ken kisim setifiket bilong dispela long han bilong opisa bilong bosim ileksen long Opis bilong Iektoral Komisin long Turumu Strit long BOROKO; o long asisten opisa bilong bosim ileksen: Mista Kapai Aria, PSA Hetopis long WAIGANI; o Mista Richard Vagi long Provinsal Iektoral Opis long Armit Strit, PORT MORESBY. Ol fainensel memba tasol i stap klostu long Nesanel Kapital Distrik ol inap long nominet bilong resis long dispela ileksen. Na man/meri i laik insait long nominesen i mas kisim tok orait bilong 3-pela arapela memba bilong PSA pastaim.

Bilong mekim nominesen yu mas bekim ol tok i stap long setifiket bilong dispela na raitim pas i go long:

Returning Officer, P.O. Box 5348, BOROKO.

Na dispela pas na setifiket i mas kamap bipo long 12 klok belo long de namba 7 bilong Ogas 1978. Ol nominesen i kamap bihain long dispela taim i no inap go insait long ileksen.

Mi Andrew S. Trawen

Opisa bilong bosim ileksen

Pablik Sevis Asosiesen Ileksen, 1978

P.O. Box 5348, BOROKO

STORI TUMBUNA

Dispela stori tumbuna em i winim namba tu prais long bikpela resis ol i bin mekim long Museum bilong PNG bilong painim olkain stori bilong nesenel pisin bilong PNG, em kumul tasol.

Man ya Daniel Kita Pari em i bilong ples Amboin antap tru long Wara Sepik na klostu we ol maunten bilong Enga i kam daun long hapwara bilong Sepik.


Bipo bipo i no gat kumul long bus bilong mipela na kain krai olsem kumul i gat nau. I gat wanpela marit i gat tupela pikinini. Pikinini man na pikinini meri. Pikinini meri i bikpela. Papamama i dai na nau tupela pikinini i stap tupela yet.

Pikinini meri i tingting planti. Maski ating mi mas marit nau na bai em i isi long mitupela. Bai mi wantaim man i ken lukautim liklik bilong mi. Na em i marit. Man em i martim, em i wanpela gutpela man tru. I save laikim liklik tambu bilong em. Na susa em i meri bilong kros long liklik brata bilong em.

Wanpelataim meri wantaim liklik bilong em i go long bus long draim wanpela liklik baret bilong painim pis. Tupela i kisim planti pis tru. Liklik brata i hangre tpinis na em i kisim sampela pis na kukim i stap. Susa i lukim olsem ya. Em i kisim draipela hap stik nau na em i paitim nogut liklik bilong em.

Na em i holim nek bilong em i laik brukim nek bilong em. Tasol em i heitim nek bilong hariap tumas na em i krai krai i go long bus wantaim dispela draipela pen. I go na em i painim ples i gat kain kain kala graun i stap: yelo, ret, na braun na blakpela.

Na em i sindaun krai i stap na wantu tumas tingting i kirap long em. Na em i kisim liklik ret graun na bikpela bilong yelopela graun na rabim long skin bilong em. Braunpela graun em i kisim na rabim long tupela han bilong em. Na liklik blakpela em i kisim na putim long arere long tupela ai bilong em.



Na em i painim ples i gat liklik lait bilong san long en. Na em i sindaun i stap long wanpela hap diwai i drai pinis sampela taim bipo. Na em i stap na ai bilong em i raun na em i pundaun. Sem taim em i pundaun na em i tanim olsem kumul nau. Na em i stap sampela taim long graun. Na liklik ren i kam daun i wasim het bilong em na em i kirap nogut na i flai i go antap long han bilong diwai. Na em i go singaut i stap.

Susa i harim dispela singaut na em i tingting planti, i no nau mi raunim liklik bilong mi i go insait long bus. Na em i stat long painim em. Na em i go kamap long ples em i bin penim skin bilong em na em i kamap olsem kumul. Na kumul i stat long singaut gen. Na meri i lukim em i sindaun antap long han bilong diwai. Na em i tingting planti na em i askim em: "Yu liklik brata bilong mi?"

Na em i singaut strong moa. Na susa i no isi long krai. Em i askim em: "Maski, yu kam daun."

Na em i flai i go long narapela diwai. Na em i mekim susa i wari tru na

krai strong moa. Em i go bek long ples tupela kisim pis long em na em i kisim olgeta pis na tromoim, na krai i go long ples bilong em.

Na man bilong em i askim em, olsem wanem, na em i stori long em long ol samting i bin kamap long bus. Man bilong em i kros long em na i paitim em nogut na klostu meri i hap i dai. Bikos man i laikim tumas liklik tambu bilong em. Nau na man i paitim meri bilong em. Em i go long haus boi wantu na toksave long ol man: "Sapos yupela harim narakain singaut bilong pisin long bus na i gat yelopela kala olgeta olsem yelopela purpur long bihairi, no ken kilim. Man i sutim bai mi sutim em tu."

Na ol i askim em: "Olsem wanem yu mekim i kamap?"

Na em i tokim ol: "Nogat. Em liklik tambu bilong mi. Em i go wantaim susa bilong em."

Na em i stori long ol long olsem wanem em i tanim pisin na ol i harim pinis na ol i go long haus bilong ol na tokim wanem strong long ol manki

na ol meri.

Na ol i putim bikpela lo tru na ol i no save sutim kumul i go inap taim tambu i dai. Nau ol i stat long sutim sampela hait tasol. Na ol i no save putim long ples klia. Taim ol i sutim, ol i wari nogut tru, na krai wantaim. Olsem nau long ples bilong mi, mipela i no save sutim kumul long taim nating. Taim mipela

laikim bilong singsing na mipela save sutim wan wan. Na salim tu mipela save tingting; em i man. Bilong wanem bai yumi salim na kisim mani long em? Sapos yu laik givim long pren, yu mas givim wan sait tasol. Maski long bekim bek samting.

Daniel Kita Pari
Amboin, Is Sepik.

OL MANMERI I WIN LONG RESIS BILONG RAITIM STORI BILONG KUMUL

Namba wan prais:

Ben Wamaram (15) Lae Haiskul

Namba tu prais:

Daniel Kita Pari, Amboin, Sepik

Spesel:

Mandan Bomi - Helt Sevis, Boroko

Gutpela moe:

Z.H. Apao, Katiplo Viles, Kainantu

Hukile Harry Gary (17) Martin Luther Seminari, Lae

Andrew Waralo Magaiye (15) Mendi Haiskul

Bernard Mollok, NBC, Moresby

Kamaki Somono (16) Daru Haiskul

Priscilla B. Toraso, Waigani

Peter Warihahu, Kuiuakom, Wewak

Gutpela:

Mista Esty Beleng, SP Timba, Lae

Isaac Borane, Univ. of Technology, Lae

Andrew S. Eru, Asaroka Lutheran Haiskul, Goroka

Guifa Fimero, Bisnis Developmen, Arawa

Dorothy Gimana, NSW Bank Travel Service, Moresby

Kamda Kanjpena, Dauli Tisa Koles, Tari, SHP

Wescot Pitaro, Lae Haiskul

Kauve Phonu (14) Goroka Haiskul

Raymond Taenkekao, Boroko

Henry Turkai, Kokopo Haiskul

Coleman lait em i san bilong nait



Coleman

Coleman kerosin lamp em i nambawan tru long givim gutpela lait long yu.
Sapos yu laik baim niupela kerosin lamp askim ol long Coleman tasol.

Distributed by
Breckwoldt & Co. (PNG) Pty Ltd

GSB17

MOA PAWA LONG WEWAK

Memba bilong Wewak, Mista Toni Bais, i laik bai gavman i helpim ELCOM kwiktam long wokim wanpela wara pawa stesin long Hawain Riva, i no longwe long Wewak long Is Sepik Provins.

Gavman i ting long wokim long 1988 tasol. Na Mista bilong Pablik Yutiliti, Mista Gabriel Bakani, i bin ok long ya i go pinis yet, no gat tumas wari long ol nasin bilong lektrik pawa orig Wewak. Tasol Mista Bais i tok, dispela i no tru. Lektrik pawa long Wewak save stap na stat olsem sasos wanpela liklik manki i ilai long swis bilong em. Na dispela i givim bikipela

wari long ol hotel na haus bisnis.

Mista Bais i laik bai ol opisa bilong ELCOM i lukim gut tru dispela ples long Hawain Riva. Em yet wantaim sampela lokal lida, na wanpela opisa bilong Nesenel Wok Atoriti, na tu bilong Dipatmen bilong Graun - olgeta ol i bin lukluk raun na i painim 3-pela o 4-pela gutpela ples, na ol i bin potoim tu na i bin salim sampela eksampel bilong ol ston bilong dispela ples i go long Minista Bakani.

Wara pawa stesin ya, mista Bais i tok, nau i kostim K2 milion kina tasol. Sapos ol i wet inap long 1988, bai em i kostim K10 milion kina. Palamen i tok orait long mosen bilong em.

NARAPELA NIUSPEPA

Lida bilong Oposisen, Mista Iambakey Okuk (Simbu Provinsal), i tok olsem, i gut yumi gat wanpela narapela nesenel niuspepa i save kamaut olgeta le.

Em i laik bai gavman i nas helpim dispela niuspepa; tasol em i no ken anim. Long tingting bilong Mista Okuk, gavman i nas pinisim wok bilong prin long bikipela prin voksap bilong em, na em i ing gavman i mas putim alkain tok save bilong em ong dispela nupela niuspepa, bai olgeta wokman bilong gavman i mas baim.

Em i laik bai dispela nupela niuspepa i mas kamaut long tok Pisin na Motu. Em i tok em i bin rarim, bipo Pos Korai i bin rarim prinin sampela niusong dispela tupela tok oles, tasol ol i lusim mani ong en. Mista Okuk i laik dispela nupela niuspepa i nas traim, dispela tok i tru no gat.

Mista Okuk i bin pairap agens long Opis ov Infomesen na tok ol i westim mani. Tasol Minista bilong bosim dispela dipatmen, em Mista Tom Koraea (Galp Provinsal), i bin tok: Mobeta, Mista Okuk i kam long Opis ov Infomesen na lukim ol wok ol man bilong em i save mekim, bipo em i putim hevi nating long ol. Na dispela tu i ken givim moa save long em olsem lida bilong Oposisen.

Poto antap long raithan i soim Mista Ilinome Tarua, seketeri bilong Papua Niugini Kabinet - em i praim minista wantaim olgeta arapela minista wantaim. Em i stap long Australia long skul long olkain pasin bilong kain kain kabinet: bilong nesenel na provinsal gavman. Hia em i toktok wantaim Mista Les Waters, em opisa bilong dipatmen bilong Foren Afeas bilong Australia i save trenim olkain pipel bilong ol nupela kantri.


Australian Information Poto, Ian Mitchell i kisim.

MORAL RI-AMAMEN

i kam long pes 6

bungim wanpela strongpela na yangpela Australia man. Dispela man i tokim em: "Mi ting, yu samting nating!" Buchman i pasim maus na i stap isi. Bihain em i tok: "I tru, i tru. Mi ting, mi samting nating."

Bipo em i dai long 1962, Frank Buchman i givim las hap toktok bilong em: "Mi laikim ol man i bihainim Sol i ranim wel. Watpo yumi no ken larim sol i ranim wel?"



PABLIK TOK SAVE

SPESEL KOMITI BILONG GLASIM WAITMAN LONG BISNIS

Planti lokal pipel i wari long sampela waitman na nupela sitisen i mekim kain kain pasin long wok bisnis. Long sampela smolpela bisnis o tretstua na long pablik kampani na koporesen, ol i save putim nem bilong lokal meri bilong ol olsem hosman. Sampela taim ol dispela bisnis i yusim lokal meri o lokal man olsem trik tasol. Olsem na palamen i bin makim wanpela spesel komiti bilong glasim gut na bungim tok save long ol dispela kain bisnis. Mista Toni Bais em i siaman bilong komiti.

Komiti ya i laik bai ol pipel na grup na asosiesen i ripot long em long ol kampani o bisnis i save mekim kain pasin olsem.

Long ripot ol i mas tok save long ol dispela samting: nem bilong bisnis; kain wok em i mekim; adres bilong em; hamas man i holim sea long dispela bisnis; ol man i holim sea i bilong wanem kantri; bisnis i gat hamas mani. Ol i mas tok tu; wanem samting i luk kranki long dispela bisnis o kampani.

Komiti tasol bai lukim dispela ripot yu salim i kam; ol bai haitim long ai bilong ol man nating. Tasol yu mas hariap long mekim ripot na salim i kam bipo long mun Julai yet, long wanem komiti i mas kibung na redim ripot i go long palamen long mun Desemba.

Bai dispela komiti i gat pablik miting long wan wan provins, na em bai autim de na ples insait long ol niuspepa na redio.

Salim ripot bilong yu i go long:

The Chairman
Select Committee on Expatriate Involvement in Business
National Parliament
P.O. Box 596
Port Moresby

Elisabeth Makarai
Secretary to the Committee



INDEPENDEN KANTRI BILONG PAPUA NIUGINI

Oi lo bilong ileksen bilong provinsal gavman, bilong 1977.

PASIN BILONG MAKIM ILEKSEN OPISA

KOMISIN BILONG BOSIM OLGETA ILEKSEN, long pawa em i kisim pinis long hap namba 5 bilong lo bilong bosim provinsal gavman ileksen bilong yia 1977, na long strong bilong olgeta arapela pawa mi holim, mi mekim nau dispela tok save:

Nau mi makim ol dispela man yumi painim nem bilong ol i stap long lephan bilong dispela pes daunbilo, osem opisa bilong bosim ileksen long wan wan provins, nem bilong en i stap long raithan daunbilo.

NEM BILONG OPISA


Richard Kila Vagi
John Corrigan
Allen Jonathan
Norman Wilson
John Berggy
Bevan Stott
Otto Rheeney
Malwea Kone
Saunders Solowin
Raphael Warakau
Fulvio Renato Favetta
Miwisa Daligi

PROVINSAL GAVMAN

Central
Simbu
East Sepik
Eastern Highlands
Madang
Manus
Milne Bay
Morobe
New Ireland
Oro
Southern Highlands
Fly River

Mi yet mi raitim dispela tok long de namba 9 bilong mun Jun long yia 1978.

J.S. MILENG
KOMISINA BILONG BOSIM OLGETA ILEKSEN



Strong Tru.

HUSKY DYNA

**Niupela trak bilong Toyota i save wok hat tru.
Yu laik karim kago o pasindia – long biktaun
o rot nogut long bus – dispela trak em inap.**

TOYOTA

BRANCHES
AT:

PORT MORESBY
25 4088

LAE
42 2322

MT. HAGEN
52 1888



MOTORS LIMITED

MADANG
82 2188

RABAUL
92 1988

KIETA
95 6083

WEWAK
86 2255

GSP ET 013P



BULUMINSKI HAIWE LONG NU AILAN

Mista Levi Miting, provinsal minista bilong teknikal sevis long Nu Ailan Provins, in bin tok olsem: Sapos gavman i bin bihainim tingting bilong dispela provins 15 via bipo, nau gavman i no mas lusim inap wan milion kina long fiksिम Buluminski Haiwe olgeta wan wan yia.

Em i bin tok provins i bin askim gavman long makim mani long 5-pela hap bilong koltaim haiwe isi isi. Dispela bai kostim samting olsem K20 milion kina. Tasol gavman i no bin givim tok qrait.

Nau provinsal gavman i gat narapela tingting long mekim ol man i ran long rot i mas baim wanpela takis bilong rot olgeta taim ol i ran. Na ol bai askim gavman long inapim mani wankain long ol takis mani bai provins i kisim. Ol plantasin na timba kampani na arapela bai mas givim sampela mani bilong fiksिम rot tu. . .na dispela ol i ken tekewe long takis bilong ol.

NU SILAN HELPIM SENTA

Gavman bilong Nu Silan bilong presen long K10,000 (ten tausen kina) long Hohola Yut Senta long Port Moresby.

Hai Komisina bilong Nu Silan long PNG, Mista Mike Mansfield, i go lukim ol gutpela wok ol i mekim long yut senta. Em i amamas na i tok: "Gutpela go het bilong dispela kantri i stap long han bilong ol yangpela pipel. Na dispela senta i save helpim ol i kamap gutpela sitisen."

Siaman bilong senta, Mista Hilari Kenevi, i tok tenkyu long nem bilong ol pipel bilong senta. Em i tok nau ol i no gat wanpela gutpela we yet long winim mani bilong ranim senta - olsem ol i mas wetim ol gutpren olsem Nu Silan. Na em i tok, ol i no save yet bai gavman i helpim ol long ranim yut senta o nogat.

Dairekta bilong Senta, Sista Genevieve Pattemore, na ol wanwok bilong em i givim moning ti wantaim sampela skon long ol pipel i bin kam long seremoni. Ol skon ya ol meri bilong senta yet i bin wokim.

Poto antap i soim Dokta Alexis Sarei na Arawa Suprintendan bilong plis i sanap namel long ol pis opisa.

Poto daunbilo i soim ol viles mejistret na pis opisa i putim nupela medal bilong ol.

Pipel bilong Not Solomons Provins i bilip tru olsem Gavman bilong ol i mas stat tru long wan wan viles na kam opim komyuniti gavman na i go antap long Provinsal Gavman.

Pipel i laik ol as tingting bilong Gavman i mas kirap long as ples yet. Ol i save em i no isi tasol ol i wok hat tru long kirapim olgeta hap. Wok long viles na Komyuniti Gavman i wok long kamap strong tru.

Long ol dispela poto yu lukim ol i mekim wanpela seremoni bilong blesim ol plis opisa na mejistret. Plenti pipel i hip na insait long seremoni. Primia bilong Not Solomons, Dokta Alexis Sarei i givim ol medal na setifiket long ol lain yu lukim long poto.

Dispela kain seremoni i wok long kamap long olgeta hap long Not Solomons Provins. Pipel i nidim ol dispela lain man bilong lukautim ol wari long ples na stretim na mekim sindaun bilong ol pipel i gutpela. Ol i wok hat tru.

Monsinia Peter Kurongku i opim dispela seremoni wantaim lotu. Pipel i bilip gavman i mas kirap long lotu.





INDEPENDEN KANTRI BILONG PAPUA NIUGINI

Lo bilong bosim nesenel ileksen

PASIN BILONG MAKIM NAMBA TU ILEKSEN OPISA

KOMISIN BILONG BOSIM OLGETA ILEKSEN, long pawa em i kisim pinis long hap namba 19 (1) bilong bikpela lo bilong bosim ol ileksen na long strong bilong olgeta arapela pawa em i gat, em i makim nau DAVID KATHIMOOLEY olsem namba tu opisa bilong bosim ileksen bilong Manyamya na Aseki eria insait long Manyamya Open Iektoret.

Mi yet mi raitim dispela tok long de namba 9 bilong mun Jun long yia 1978.

J.S. MILENG
KOMISINA BILONG BOSIM OLGETA ILEKSEN

INDEPENDEN KANTRI BILONG PAPUA NIUGINI

Lo bilong bosim ileksen bilong ol lokal gavman, 1970

LO BILONG TEKEWE NA MAKIM OL OPISA BILONG BOSIM ILEKSEN

Mi, JAMES SALENG MILENG, komisina bilong bosim olgeta ileksen, long pawa mi kisim pimis long hap namba 6 bilong lo bilong bosim ol Lokal Gavman Ileksen, 1970, na long strong bilong olgeta arapela pawa bilong mi, i tokaut olsem:

(a). Mi tekewe pawa bilong tok save bilong lo bilong tekewe na makim ol opisa bilong bosim ileksen, i bin kamap long 12 Februeri 1974, na ol i bin prinim insait long LOCAL GOVERNMENT GAZETTE namba 2 bilong 28 Februeri 1974 (em i gat tok long lo bilong makim ol namba tu distrik komisina olsem opisa bilong bosim ol ileksen); na nau

(b). mi makim olgeta opisa i stap long hap lephan long lain daunbilo long dispela pes olsem opisa bilong bosim ileksen bilong olgeta lokal gavman kaunsil (ausait long Port Moresby Siti Kaunsil na Arawa Taun Kaunsil) insait long dispela provins, nem bilong em i kamap long raithan bilong pes daunbilo

NEM BILONG OPISA

Richard Kila Vagi
John Kambe
Moses Warpulu
Allen Jonathan
Lazarus Kalaiwi
Tiane Openakali
Abraham Wari
Justus Bawaloi
Paul Kirarata
Napthalai Marao
Malewa Kone
Saunders Soliwin
Moka Havara
Raphael Warakau
Gill Kolongo

NEM BILONG PROVINS

Central
Chimbu
East New Britain
East Sepik
Eastern Highlands
Enga
Gulf
Madang
Manus
Milne Bay
Morobe
New Ireland
North Solomons
Northern
Western Highlands

Mi yet mi raitim dispela tok long de namba 9 bilong mun Jun long yia 1978.

J.S. MILENG
KOMISINA BILONG BOSIM OLGETA ILEKSEN



TRAUSIS NA TANGET

Dia Edita - Mi laik bekim pas bilong Frank Yakae-mandani bilong Wapenamanda. Frank yu tok long ol manmeri bilong Wapenamanda. Wabag. Kandep, Kompiam na Laiagam long ol save putim tanget na purpur antap na save putim pens aninit na su tu. Mi ting olsem no gat rong long dispela.

Yu mas save olsem sampela bilong ol man long Hailans ol i no save gut tumas long w bilong pasim laplap. putim su na dres na olkain samting olsem.

Mi no save yu bilong we, tasol sapos yu bilong Wapenamanda stret miting i no stret long yu mekim dispela kain toktok long kritisaisim wanem kain klös ol i putim. Bipo ol tumbuna bilong yu i save putim trausis, su, dres, na pens a? Em laik bilong wan wan. Nogat wanpela lo bilong dispela kantri i tok long mipela mas putim su, pens trausis na dres tasol. Mi ting lo bilong dispela kantri i tok olsem long mipela i no ken lusim tingting long kalsa o kastam bilong ol tumbuna bilong yumi. Em i stret o nogat, Frank.

Mi wanpela meri Sepik i raitim dispela pas ya. Mi no mevi hailans, tasol miting olsem i no stfret long dispela toktok bilong yu.

Yu gat moa wari, orait, rait tasol long Wantok niuspepa. Tenkyu edita.

Heidi Wakunai,
Wewak.

EM NAU

Dia Edita - Mi laik bekim pas bilong Misis Maggie Aglua Ambullua bilong W.H.P. Em i raitim long Wantok namba 217.

Long pas bilong i tok God i givim yumi wan wan fri wil long stretim wari bilong mipela. Na yu tok long God i no bosim laik bilong mipela.

Yes yu tok stret. God i no bosim laik bilong yu. Tasol laik bilong yu i ka-


map olsem wanem long tingting bilong yu? Na yu kisim dispela laik we?

God i bin givim tingting long yu na long kru bilong yu i tingting na laik i kamap, na yu bihainim laik bilong yu na yu mekim ol samting, em tru?

God i no givim bodi bilong yu bilong bilasim long kain kain samting bilong dispela graun olsem samting i dia tumas. Bodi bilong yu i bilong litimapim nem bilong God. Lukim 1-Timoti 2:9-15.

Sapos yu gat tok long bekim i kam long Wantok. Bai mi lukim.

Alwis Waim,
Kentagl/W.H.P.



BILIP I OLSEM KIAU

Dia Edita - Mi laik skruim liklik tok i go long Wantok ya Middle Town Yes wantok yu tok bilipim God i samting nating. I tru tasol, olgeta samting i stap long graun em husat tru i wokim? Na tu husat i wokim yu? Wantok husat i wokim dring yu save dring na spak?

Yes wantok yu kisim glas na lukim pes bilong yu, i olsem bilong God em yet o bilong pes bilong enimal? Tingting gut, wantok, yu no olsem ol enimal.

Sapos i no gat God bai yu raun long taun, o yu inap kisim save na i go long haikul?

Wantok, yu holim olgeta samting i stap long graun i bilong graun tasol. Taim mama bilong yu i karim yu long ples bilong yu, na

yu kamap wantaim kago samting long han bilong yu o nogat? Harim. Bilip long God em i no samting nating o samting nogut.

Bilip long God i olsem ki kiau bilong kakaruk. Sapos yu holim kiau isi, na putim isi long kes samting we yu redi long putim kiau. Kain olsem bilip long God i olsem kiau. Yu bilip i go na yu tok mi bilip long God na i no gat gutpela samting i kamap long mi. Na yu lusim bilip bilong yu. Em olsem yu pundaun pinis long bilipim God.

Wantok, yu tok yu pre long God tasol yu no save kisim gutpela samting. Wantok, taim yu wokim aplikesen fom long kisim wanpela samting, o long wok. Taim yu wokim na yu save kisim wok o samting yu tingting long en i hariap liklik. O i stap wan mun o tu mun o wan yia na yu save kisim.

I wankain olsem yumi save pre long God. Taim yu pre long God, yu no inap long kisim samting hariap. Olsem taim yu liklik na yu save krai long kaikai long mama bilong yu na em i save givim yu hariap? Nogat. Pre long God, na God i harim pre bilong yu tasol yumi inap kisim hariap.

Taim yu lusim tingting long pre bilong yu. na wokabaut long rot samting. Taim birua i painim yu, orait bai God i sevim yu long dispela taim. Haus

yu save slip long en, husat i givim yu? God tasol. God wanpela tasol i as bilong olgeta samting.

Na las long en yu tok olsem, tok bilong God i rabis. Wantok, yu save tok bilong God i no rabis. Tok bilong God i olsem kaikai bilong spirit. Na tu i olsem rot bilong yu na mi, o yumi olgeta man, meri na pikinini bilong dispela graun.

Hayang B. Nakua,
Arawa/N.S.P.



RAIT LONG MANI

Dia Edita - Nau mi laik autim wanpela wari bilong mi i go long ol manmeri bilong Papua Niugini. Mi yet mi wanpela man mi gat bikpela wari long lukim ol man i save raitim nem bilong ol antap long K2, K5, K10, na K20 kina not na dispela i no stret long ai bilong mi i lukim.

Long wanem mi save olsem mani bilong Papua Niugini em i no hap pepa nating o buk bilong rait, em i bikpela samting olsem na yumi mas yusim gut mani bilong yumi. Mi bin lukim planti man long Wes Sepik i bin mekim dispela kain pasin.

Andrew Salmat,
Ningil/Wes Sepik

MANKI NO KEN MARIT

Dia Edita - Nau mi laik autim liklik wari bilong mi. Em i go olsem. Nau long dispela taim yumi yangpela lain manmeri bilong dispela kantri i no bihainim pasin na lo bilong marit na yumi save marit kwiktam, yumi liklik yet. Dispela em i no stret. Bipo taim bilong tumbuna ol save bihainim lo na pasin bilong tumbuna, tasol yumi yangpela i no gat tru.

Yumi save olsem edukesen i givim moa tingting na save long yumi. Maski liklik mangi, em save moa long wanem taim sik bilong ol meri save kamap. Na tu ol film na piksa save bagarapim ol yangpela manmeri. Sampela ol save skirap long marit long taim ol i liklik yet na bagarapim skin bilong ol yet.

Ol sios lida i bin painim we bilong wokim ol yangpela manmeri i amamas long sindaun bilong ol tasol, dispela kain save statim pasin bilong aigris na mangal long yangpela lain. Na mi ting dispela tu i bringim wari i kam long kantri.

Olsem na gavman na sios lida mas painim we na pasin bilong stopim dispela pasin bilong marit kwik insait long dispela yangpela kantri.

Gojalus Guinde,
Angau/Lae.

BAIM WANTOK

Sapos yu laik kisim Wantok niuspepa inap long wan yia (em i olsem 48 taims), yu katim dispela tiket long sisis na yu salim i kam long mipela wantaim K8.00.

Nem bilong yu.....

Adres bilong yu.....

Salim sek o mani oda inap long K8 wantaim tiket i kam long :




WANTOK BOX 1982 BOROKO

Sapos yu bilong wanpela skul o misin o klap o grup na yu laik kisim moa olsem 10-pela Wantok olgeta wik, orait, yu rait i kam long mipela na mipela i gat spesel prais long dispela kain samting.

Prais bilong go long Australia: K14.50 na long Amerika na Yurop long sip em i K18.20 na long balus em i K24.00.





SAPOS I GAT OL HAP GLAS LONG SUA



Sapos sua i gat hap glas o hap ain o stik samting i stap insait long en, i tambu long kamautim dispela glas o stik o ain. Nogut yu bagarapim sua moa yet. Yu mekim olsem tasol:

- (1) Karamapim sua long klinpela laplap o lip banana samting.
- (2) Wokim wampela banis i luk olsem ring. (Lukim piksa.)
- (3) Putim ring banis nabaut long sua.
- (4) Pasim long kain banis yu lukim long raithan.




Katim dispela lesen na holim i stap. Bihain yu ken wokim buk long en. Planti moa bai kamap.

AVELING-BARFORD PACIFIC for your compaction requirements.

Vibratory Plates
 Vibratory Rammers
 Pedestrian Vibratory Rollers
 (Double drum hydrostatic drive)

Agents for bearings and hose fittings Ryco-flex Nachi



AVELING-BARFORD PACIFIC PTY. LTD

Head office: Ume Street, Gordons, Port Moresby, Port Moresby.

PO Box 6457. Phone 257166 Telex NE22206

Lae depot: Morobe Avenue, PO Box 1191, Lae Phone 424188 Telex NE42411

KALABUSMAN AIPAS

Jas 16: 6 - 21)

Bilong kisim 5500 silva mani Dilaila i prontis long painimaut s bilong strong bilong Samson... a tokim ol birua Filistia. Dsem nau em i giaman em laikim Samson na i risim em...



Yu strongpela tumas, Samson. I no gat rop inap long pasim yu?

Sapos yu pasim mi long 7-pela nupela string bilong banara, bai mi pas i stap.

Neks taim Samson i kam em i slip i stap na Dilaila i pasim em long 7-pela nupela string bilong banara.



Nau em i pas tru. Liklik taim bai mi win.

Kirap, Samson. Ol Filistia i stap.



Lukaut em i fri. Ranawe nogut em i kisim yu. Em i trikim mi.

Dilaila i traim traim pamim as bilong strong bilong Samson tasol olgeta taim em i pasim em, em i brukim ol samting na kamap fri. Tasol nau...

Samson, yu no laikim mi tru. Sapos yu laikim mi, yu no ken giaman mi mi katim gras, bai olgeta strong bilong mi i lus na mi olem man nating.

Orait nau Dilaila i painimaut tok hait na em i singautim ol Filistia i kam long nait



Yupela i mas redi long ol sen bilong pasim em, na yupela i mas bringim pe i kam long mi.

Long apinun Samson i go lukim Dilaila, na bihain em i slip i stap...



Orait, nau yupela kam

Mi no bin lukim longpela gras olem... tasol mi no save bai em i tekewe strong bilong em.



Samson... kirap ol Filistia i kam nau

Samson i kalap na i laik pait tasol em i painim...



Gras bilong mi i go pinis. Promis bilong mi i bruk na strong bilong mi i go pinis

Orait, nau yu ken traim brukim ol sen bilong mipela nau

Strong bilong Samson i lus pinis. Nau ol i pasim em na kisim em i go.



Bai ol i mekim wanem long em?

Rausim tupela ai bilong em na kalabusim em - na ol wari bilong mipela i pinis.

Em hia mani bilong yu, Dilaila. Yu winim tru.



5500 silva mani bilong mi stret...

Dilaila i sindaun kauntim mani bilong em, na ol soldia i wokabaut wantaim Samson long ol rot bilong biktaun Gasa




Ha, ha - bikpela man bilong Isrel, nau i pas pinis

Used by permission of the David C. Cook Foundation. Copyright 1973, David C. Cook Publishing Co. All rights reserved.

STRETPELA ROT

Driman bilong Jon Banyan

"Pilgrim's Progress" in Pidgin



i gat 104 pes saiz: 51 x 31 cm.

Salim 75t. i kam wantaim adres na mipela i salim buk i go long yu. Prinim nem klia.

Christian Bookshop Box 169, Wewak

Christian Bookshop Box 78, Mt. Hagen

Ol animal i stap long mani bilong yumi

Dispela em i namba
wan pes o skin bilong
wanpela buk i kam
long: Wildlife Division,
Department of Natural
Resources, P.O. Box
2582, Konedobu. Sapos
yu laikim, yu ken kisim
nating. Rait i go long ol
tasol. Ol i gat buk long
batapalai, pukpuk, mu-
ruk, trausel, na bulma-
kau bilong solwara tu.
Ol i fri. Yu ken kisim ol
long tok Inglis tu.

